

慧日佛學班第 08 期

《大智度論》卷 50

〈釋發趣品第二十之餘〉

（大正 25，416b2-419c12）

釋厚觀（2010.03.20）

【經】

（7）第七地：不應著二十法，應具足滿二十法

A、不應著二十法

「云何菩薩⁽¹⁾不著我？」

「畢竟無我故。」

「云何菩薩⁽²⁾不著眾生、⁽³⁾不著壽命、⁽⁴⁾不著眾數，乃至知者、見者？」

「是諸法畢竟不可得故。」

「云何菩薩⁽⁵⁾不著斷見？」

「無有法斷，諸法畢竟不生故。」

「云何菩薩⁽⁶⁾不著常見？」

「若法不生，是不作常。」

「云何菩薩⁽⁷⁾不應取相？」

「無諸煩惱故。」¹

「云何菩薩⁽⁸⁾不應作因見？」

「諸見不可得故。」²

「云何菩薩⁽⁹⁾不著名色？」

「名色處相無故。」

「云何菩薩⁽¹⁰⁾不著五眾、⁽¹¹⁾不著十八界、⁽¹²⁾不著十二入³？」

「是諸法性無故。」

「云何菩薩⁽¹³⁾不著三界？」

「三界性無故。」

「云何菩薩⁽¹⁴⁾不應作著心？云何菩薩⁽¹⁵⁾不應作願？云何菩薩⁽¹⁶⁾不應作依止？」

「是諸法性無故。」

「云何菩薩⁽¹⁷⁾不著依佛見？」

「作依見，不見佛故。」⁴

¹ 參見《大般若波羅蜜多經》卷 416〈18 修治地品〉：「云何菩薩摩訶薩應遠離相想？善現！若菩薩摩訶薩觀貪等惑無所有故，是為菩薩摩訶薩應遠離相想。」（大正 7，86b14-17）

² 參見《大般若波羅蜜多經》卷 416〈18 修治地品〉：「云何菩薩摩訶薩應遠離見執？善現！若菩薩摩訶薩都不見有諸見性故，是為菩薩摩訶薩應遠離見執。」（大正 7，86b17-19）

³ 「不著十八界」與「不著十二入」位置互換【石】。（大正 25，416d，n.10）

「云何菩薩⁽¹⁸⁾不著依法見？」
 「法不可見故。」
 「云何菩薩⁽¹⁹⁾不著依僧見？」
 「僧相無為，不可依故。」
 「云何菩薩⁽²⁰⁾不著依戒見？」
 「罪、無罪不著故。」
 是為菩薩住七地中，二十法所不應著。」

B、應具足滿二十法

「云何菩薩應⁽¹⁾具足空？」
 「具足諸法自相空故。」
 「云何菩薩⁽²⁾無相證？」
 「不念諸相故。」
 「云何菩薩⁽³⁾知無作？」
 「於三界中不作故。」⁵
 「云何菩薩⁽⁴⁾三分清淨？」
 「十善道具足故。」
 「云何菩薩⁽⁵⁾一切眾生中慈悲智具足？」
 「得大悲故。」
 「云何菩薩⁽⁶⁾不念一切眾生？」
 「淨佛⁶世界具足故。」⁷
 「云何菩薩⁽⁷⁾一切法等觀？」
 「於諸法不損益故。」
 「云何菩薩⁽⁸⁾知諸法實相？」
 「諸法實相無知故。」⁸
 「云何菩薩⁽⁹⁾無生忍？」
 「為諸法 (416c) 不生不滅、不作故⁹。」

⁴ 參見《大般若波羅蜜多經》卷 416〈18 修治地品〉：「云何菩薩摩訶薩應遠離依佛見執？善現！若菩薩摩訶薩知依佛見執不得見佛故，是為菩薩摩訶薩應遠離依佛見執。」(大正 7, 86c15-18)

⁵ 三三昧：自相空，不念諸相，三界中不作。(印順法師，《大智度論筆記》[E003] p.289)

⁶ 〔佛〕—【宋】【元】【明】【宮】【聖】。(大正 25, 416d, n.11)

⁷ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿悲愍有情，及於有情無所執著？善現！若菩薩摩訶薩已得大悲及嚴淨土都無所執，是為菩薩摩訶薩應圓滿悲愍有情，及於有情無所執著。」(大正 7, 87a14-17)

⁸ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿通達真實理趣，及於此中無所執著？善現！若菩薩摩訶薩於一切法真實理趣，雖如實通達而無所通達都無所執，是為菩薩摩訶薩應圓滿通達真實理趣，及於此中無所執著。」(大正 7, 87a25-b1)

⁹ 作故=作故忍【宋】【宮】【聖】【石】，=作忍故【元】【明】。(大正 25, 416d, n.13)

- 「云何菩薩⁽¹⁰⁾無生智？」
「知名色不生故。」¹⁰
「云何菩薩⁽¹¹⁾說諸法一相？」
「心¹¹不行¹²二相故。」¹³
「云何菩薩⁽¹²⁾破分別相？」
「一切法不分別故。」¹⁴
「云何菩薩⁽¹³⁾轉憶想¹⁵？」
「小、大、無量想¹⁶轉故。」¹⁷
「云何菩薩⁽¹⁴⁾轉見？」
「於聲聞、辟支佛地見轉故。」¹⁸
「云何菩薩⁽¹⁵⁾轉煩惱？」
「斷諸煩惱故。」¹⁹
「云何菩薩⁽¹⁶⁾等定慧地？」
「所謂得一切種智故²⁰。」²¹
「云何菩薩⁽¹⁷⁾調意²²？」
「於三界不動故。」²³

¹⁰ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿無生忍智？善現！若菩薩摩訶薩忍一切法無生、無滅、無所造作，及知名色畢竟不生，是為菩薩摩訶薩應圓滿無生忍智。」（大正 7，87b1-4）

¹¹ （一）+心【元】【明】【石】。（大正 25，416d，n.14）

¹² 行=作【石】。（大正 25，416d，n.15）

¹³ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿說一切法一相理趣？善現！若菩薩摩訶薩於一切法行不二相，是為菩薩摩訶薩應圓滿說一切法一相理趣。」（大正 7，87b4-7）

¹⁴ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿滅除分別？善現！若菩薩摩訶薩於一切法不起分別，是為菩薩摩訶薩應圓滿滅除分別。」（大正 7，87b7-10）

¹⁵ 想=相【石】。（大正 25，416d，n.16）

¹⁶ 想=相【聖】。（大正 25，416d，n.17）

¹⁷ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿遠離諸想？善現！若菩薩摩訶薩遠離小、大及無量想，是為菩薩摩訶薩應圓滿遠離諸想。」（大正 7，87b10-13）

¹⁸ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿遠離諸見？善現！若菩薩摩訶薩遠離聲聞、獨覺地見，是為菩薩摩訶薩應圓滿遠離諸見。」（大正 7，87b13-15）

¹⁹ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿遠離煩惱？善現！若菩薩摩訶薩棄捨一切有漏煩惱習氣相續，是為菩薩摩訶薩應圓滿遠離煩惱。」（大正 7，87b15-18）

²⁰ 〔故〕—【宋】【宮】【聖】。（大正 25，416d，n.18）

²¹ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿止觀地？善現！若菩薩摩訶薩修一切智、一切相智，是為菩薩摩訶薩應圓滿止觀地。」（大正 7，87b18-20）

²² （慧地）+調意【元】【明】。（大正 25，416d，n.19）

²³ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿調伏心性？善現！若菩薩摩訶薩不著三界，是為菩薩摩訶薩應圓滿調伏心性。」（大正 7，87b20-23）

「云何菩薩⁽¹⁸⁾心寂滅？」

「制六根故。」

「云何菩薩⁽¹⁹⁾無礙智？」

「得佛眼故。」

「云何菩薩⁽²⁰⁾不染愛？」

「捨六塵故。」

是為菩薩住七地中，具足二十法。」

(8) 第八地：應具足二類五法

A、初五法應具足

「云何菩薩⁽¹⁾順入眾生心？」

「菩薩以一²⁴心知一切眾生心及心數法。」

「云何菩薩⁽²⁾遊戲諸神通？」

「以是神通從一佛國²⁵至一佛國，亦不作佛國想。」

「云何菩薩²⁶(³)觀諸佛國？」

「自住其國，見無量諸佛國，亦無佛國想。」

「云何菩薩⁽⁴⁾如所見佛國，自莊嚴其國？」

「住轉輪聖王地，遍至三千大千世界以自莊嚴。」²⁷

「云何菩薩⁽⁵⁾如實觀佛身？」

「如實觀法身故。」

是為菩薩住八地中具足五²⁸法。」

B、次五法應具足

「云何菩薩⁽¹⁾知上下諸根？」

「菩薩住佛十力，知一切眾生上下諸根。」

「云何菩薩⁽²⁾淨佛世界？」

「淨眾生故。」

「云何菩薩⁽³⁾如幻三昧？」

「住是三昧，能成辦一切事，亦不生心相。」

²⁴ [一] — 【宮】。(大正 25, 416d, n.20)

²⁵ 國=界【宋】【元】【明】【宮】【聖】下同。(大正 25, 416d, n.21)

²⁶ [云何菩薩] — 【聖】。(大正 25, 416d, n.22)

²⁷ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿見諸佛土，如其所見而自嚴淨種種佛土？善現！若菩薩摩訶薩住一佛土，能見十方無邊佛國，亦能示現，而曾不生佛國土想。又為成熟諸有情故，現處三千大千世界轉輪王位而自莊嚴，亦能棄捨而無所執，是為菩薩摩訶薩應圓滿見諸佛土，如其所見而自嚴淨種種佛土。」(大正 7, 87c15-22)

²⁸ (1) 四=五【元】【明】【聖】【石】。(大正 25, 416d, n.23)

(2)《大正藏》原作「四」，今依【元】【明】【聖】【石】作「五」。

「云何菩薩⁽⁴⁾常入三昧？」

「菩薩得報生三昧故。」

「云何菩薩⁽⁵⁾隨眾生所應善根受身？」

「菩薩知眾生所應生善根而²⁹為受身，成就眾生故。

是為菩薩住八地中，具足五法。」

(9) 第九地：應具足十二法

「云何菩薩⁽¹⁾受無邊³⁰世界所度之分？」

「十方無量世界³¹中眾生，如諸佛法所應度者而度脫之。」

「云何菩薩⁽²⁾得如所願？」

「六波羅蜜具足故。」

「云何菩薩(417a)⁽³⁾知諸天、龍、夜叉、捷闍婆³²語³³？」

「辭辯³⁴力故。」

「云何菩薩⁽⁴⁾胎生成就？」

「菩薩世世常化生故。」³⁵

「云何菩薩⁽⁵⁾家成就？」

「常在大家生故。」

「云何菩薩⁽⁶⁾所生成就？」

「若剎利家生，若婆羅門家生故。」

²⁹ 而=所【宋】【元】【明】【宮】。(大正 25, 416d, n.24)

³⁰ 無邊+ (身)【宋】【宮】。(大正 25, 416d, n.25)

³¹ 《大正藏》原作「世界量」，今依《高麗藏》作「量世界」(第 14 冊, 880a18)。

³² 捷闍婆=捷闍婆【宋】【元】【明】【宮】，=捷闍波【聖】下同。(大正 25, 417d, n.1)

³³ (1) 諸=語【宋】【元】【明】【宮】【聖】【石】。(大正 25, 417d, n.2)

(2) 《大正藏》原作「諸」，《高麗藏》亦作「諸」(第 14 冊, 880a22)，今依【宋】【元】【明】【宮】【聖】【石】作「語」。

³⁴ (1) 辭辯：四無礙辯(義無礙辯、法無礙辯、辭無礙辯、樂說無礙智)中之「辭無礙辯」。

(2) 四無礙辯又稱四無礙智，參見《大智度論》卷 25 (大正 25, 246a22-247b2)。

(3) 《大智度論》卷 25 (1 序品)：「是名字及義，云何令眾生得解？當以言辭分別莊嚴，能令人解，通達無滯，是名辭無礙智。」(大正 25, 246b9-11)

(4) 《大智度論》卷 25 (1 序品)：「辭無礙智者，以語言說名字義，種種莊嚴語言，隨其所應，能令得解。所謂天語，龍、夜叉、捷闍婆、阿脩羅、迦樓羅、摩睺羅伽等非人語；釋、梵、四天王等世主語；人語；一語、二語、多語；略語、廣語；女語、男語；過去、未來、現在語——如是等語言，能令各各得解。自語、他語，無所毀譽。所以者何？是一切法不在語中，語是非實義；若語是實義，不可以善語說不善。但為入涅槃故說令解，莫著語言！復次，用是語言，能令眾生隨法義行。所以者何？言語皆入諸法實相中。是名辭無礙智。」(大正 25, 246c10-21)

³⁵ 參見《大般若波羅蜜多經》卷 416 (18 修治地品)：「云何菩薩摩訶薩應圓滿入胎具足？善現！若菩薩摩訶薩雖一切生處實恒化生，而為益有情現入胎藏，於中具足無邊勝事，是為菩薩摩訶薩應圓滿入胎具足。」(大正 7, 88b3-6)

「云何菩薩⁽⁷⁾性³⁶成就？」

「如過去菩薩所生姓，從此中生故。」³⁷

「云何菩薩⁽⁸⁾眷屬成就？」

「純諸菩薩摩訶薩為眷屬故。」

「云何菩薩⁽⁹⁾出生成就？」

「生時光明遍照無量無邊世界，亦不取相故。」³⁸

「云何菩薩⁽¹⁰⁾出家成就？」

「出家時，無量百千億諸天侍從出家，是一切眾生必³⁹至三乘。」

「云何菩薩⁽¹¹⁾莊嚴佛樹成就？」

「是菩提樹以黃金為根，七寶為莖、節、枝、葉，莖、節、枝、葉光明，遍照十方阿僧祇三千大千世界。」

「云何菩薩⁽¹²⁾一切諸善⁴⁰功德成滿具足？」

「菩薩得眾生清淨，佛國亦淨⁴¹。⁴²

是為菩薩住九地中具足十二法。」

(10) 第十地⁴³

「云何菩薩住十地中當知如佛？」

A、約菩薩十地，當知如佛

「若菩薩摩訶薩具足六波羅蜜、四念處乃至十八不共法，一切種智具足滿⁴⁴，斷一切煩惱及習；是為⁴⁵菩薩摩訶薩住十地中當知如佛。⁴⁶

³⁶ 性=姓【宋】【元】【明】【宮】【石】。(大正 25, 417d, n.4)

《高麗藏》亦作「性」(第 14 冊, 880b3)。

³⁷ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿種姓具足？善現！若菩薩摩訶薩常在過去諸菩薩摩訶薩種姓中生，是為菩薩摩訶薩應圓滿種姓具足。」(大正 7, 88b13-16)

³⁸ 參見《大般若波羅蜜多經》卷 416〈18 修治地品〉：「云何菩薩摩訶薩應圓滿生身具足？善現！若菩薩摩訶薩於初生時，其身具足一切相好，放大光明遍照無邊諸佛世界，亦令彼界六種變動，有情遇者無不蒙益，是為菩薩摩訶薩應圓滿生身具足。」(大正 7, 88b19-24)

³⁹ 必=畢【石】。(大正 25, 417d, n.5)

⁴⁰ 善+(根)【宋】【元】【明】【宮】。(大正 25, 417d, n.6)

⁴¹ (清)+淨【石】。(大正 25, 417d, n.7)

⁴² 參見《大般若波羅蜜多經》卷 416〈18 修治地品〉：「云何菩薩摩訶薩應圓滿一切功德成辦具足？善現！若菩薩摩訶薩滿足殊勝福慧資糧，成就有情、嚴淨佛土，是為菩薩摩訶薩應圓滿一切功德成辦具足。」(大正 7, 88c7-10)

⁴³ 參見印順法師，《初期大乘佛教之起源與開展》，p.707、pp.710-711。

⁴⁴ (圓)+滿【元】【明】。(大正 25, 417d, n.8)

⁴⁵ 為=名【石】。(大正 25, 417d, n.9)

⁴⁶ 參見《大般若波羅蜜多經》卷 416〈18 修治地品〉：「云何菩薩摩訶薩住第十地已，與諸如來應言無別？善現！是菩薩摩訶薩已圓滿六波羅蜜多，乃至已圓滿十八不共法，具一切智、一切相智，若復永斷一切煩惱習氣相續便住佛地。由此故說：若菩薩摩訶薩住第十地已，與諸如來應言無別。」(大正 7, 88c11-17)

B、約三乘共地，第十地即是佛地

須菩提！菩薩摩訶薩住是十地中，以方便力故，行六波羅蜜，行四念處乃至十八不共法，過乾慧地、性地、八忍⁴⁷地、見地、薄地、離欲地、已作地、辟支佛地、菩薩地，過是九地，住於佛地。是為菩薩十地。⁴⁸

(三) 總結

如是，須菩提！是名⁴⁹菩薩摩訶薩大乘發趣。」

【論】者⁵⁰言：

(7) 第七地：不應著二十法，應具足滿二十法

A、總說不應著二十法

我等二十法⁵¹不可得⁵²故不著。

不可得因緣，如先種種說。

(1-4) 我見乃至知者、見者，⁽¹⁷⁾佛見、⁽¹⁹⁾僧見，是入眾生空故，是見不應著。

(5-16,18,20) 餘斷、常乃至戒見，是法空故，不應著。

※ 別明「因見」

問曰：餘者可知，⁽⁸⁾因見云何？

答曰：一切有為法展轉為(417b)因果，是法中著心取相生見，是名「因見」，所謂非因說因，或因果一⁵³異等。

B、應具足滿二十法

(A) 釋第一法：具足空

「具足空」⁵⁴者，

a、十八空

若菩薩能盡行十八空，是名「具足空」。

⁴⁷ 忍=人【聖】【石】。(大正 25, 417d, n.10)

⁴⁸ 參見《大般若波羅蜜多經》卷 416〈18 修治地品〉：「善現！云何菩薩摩訶薩住第十地趣如來地？善現！是菩薩摩訶薩方便善巧，行六波羅蜜多、四念住乃至十八佛不共法，超淨觀地、種性地、第八地、具見地、薄地、離欲地、已辦地、獨覺地及菩薩地，又能永斷一切煩惱習氣相續，便成如來、應、正等覺住如來地。善現！如是菩薩摩訶薩住第十地趣如來地。」(大正 7, 88c17-24)

⁴⁹ 〔是名〕—【宋】【元】【明】【宮】。(大正 25, 417d, n.11)

⁵⁰ (論)+者【明】，者=釋【石】。(大正 25, 417d, n.12)

⁵¹ 我等二十法，即第七地菩薩不著我、不著眾生乃至不著依戒見等二十法，參見《摩訶般若波羅蜜經》卷 6〈20 發趣品〉(大正 8, 257a27-b9)，《大智度論》卷 50 (大正 25, 416b7-22)。

⁵² 《正觀》，(6)，p.137：我不可得，參見《大智度論》卷 12 (大正 25, 148b3-150a17)、卷 31 (大正 25, 295c-296a)、卷 42 (大正 25, 364c21-365a15, 368c28-369a24)。

⁵³ 一=必【宋】【宮】【聖】。(大正 25, 417d, n.13)

⁵⁴ 「一、能行十八空……………」

具足空┌二、能行我法二空┐皆自相空

└三、能行畢竟空……………」 (印順法師，《大智度論筆記》〔B014〕p.135)

b、眾生空、法空

復次，能行二種空——眾生空、法空，是名「具足空」。

c、畢竟空

復次，若菩薩能行畢竟空，於中不著，是名「具足空」。

d、自相空

問曰：若爾者，佛此中何以但說「自相空」？

答曰：此三種空皆是自相空。以住六地菩薩福德故利根，利根⁵⁵故分別諸法取相；以是故，七地中以相⁵⁶空為具足空。

e、有為空、無為空、不可得空

佛或時說有為空、無為空名「具足空」，或時說不可得空名「具足空」。

(B) 釋第二法：無相證

「無相證」者，「無相」即是涅槃，可證，不可修。

不可修故，不得言「知」；無量無邊不可分別故，不得言「具足」。

(C) 釋第三法：知無作

「知無作」者，三事⁵⁷雖通是「知」，二事更義立其名，無作但有「知」名。

(D) 釋第四法：三分清淨

「三分清淨」者，所謂十善道——身三、口四、意三，是名「三分」。上以說三⁵⁸解脫門故，此中不復說⁵⁹。

「三分清淨」者，或有人身業清淨，口業不清淨；口業清淨，身業不清淨；或身口業清淨，意業不清淨；或有世間三業清淨，而未能離著；是菩薩三業清淨及離著故，是名「三分清淨」。

(E) 釋第五法：一切眾生中慈悲智具足

「一切眾生中具足慈悲智」者，悲有三種：眾⁶⁰生緣、法緣、無緣。⁶¹此中說「無緣大悲」名「具足」。所謂法性⁶²空，乃至實相亦空，是名「無緣大悲」。菩薩深入實相，然後悲念眾生；⁶³譬如人有一子，得好寶物，則⁶⁴深心愛念欲以與之。

⁵⁵ 〔利根〕－【石】。(大正 25, 417d, n.14)

⁵⁶ (自) + 相【元】【明】。(大正 25, 417d, n.15)

⁵⁷ 三事：空、無相、無作。

⁵⁸ 上以說三＝已上說【宋】【元】【明】，＝以上說【宮】【聖】。(大正 25, 417d, n.16)

⁵⁹ 《正觀》，(6)，p.137：就「具足空」解說，參見《大智度論》卷 50 (大正 25, 417b2-15)。

⁶⁰ 〔眾〕－【宋】【元】【明】【宮】【聖】【石】。(大正 25, 417d, n.17)

⁶¹ 參見《大智度論》卷 20 (大正 25, 208c-209a)、卷 40 (大正 25, 350b25-29)。

⁶² 〔性〕－【宋】【元】【明】【宮】【聖】。(大正 25, 417d, n.18)

⁶³ 〔生緣〕

三悲－〔法緣〕

〔無緣〕——深入實相悲念眾生 (印順法師，《大智度論筆記》〔B014〕p.135)

⁶⁴ 〔則〕－【宋】【元】【明】【宮】。(大正 25, 417d, n.19)

(F) 釋第六法：不念一切眾生

「不念一切眾生」者，所謂淨世界具足故。

※ 釋疑：若不念眾生，云何能淨佛世界

問曰：若不念眾生者，云何能淨佛世界？

答曰：菩薩令眾生住十善道，為莊嚴佛國⁶⁵；雖莊嚴，未得無礙莊嚴。

今⁶⁶菩薩教化（417c）眾生，不取眾生相，諸善根福德清淨；諸善根福德清淨故，是無礙莊嚴。

(G) 釋第七法：一切法等觀

「一切法等觀」者，如法等忍中說。⁶⁷

此中佛自說：「於諸法不增損。」

(H) 釋第八法：知諸法實相

「知諸法實相」者，如先種種因緣廣說。⁶⁸

(I) 釋第九法：無生忍

「無生法忍⁶⁹」者，於無生滅諸法實相中，信受、通達、無礙、不退，是名「無生忍」。

(J) 釋第十法：無生智

「無生智」者，初名⁷⁰「忍」，後名「智」；麤者「忍」，細者「智」。
佛自說：「知名色不生故。」

(K) 釋第十一法：說諸法一相

「說諸⁷¹法一相」者，菩薩知內外十二入皆是魔網，虛誑不實，於此中生六種識亦是魔網虛誑。何者是實？唯不二法——無眼、無色，乃至無意、無法等，是名實。⁷²令眾生離十二入故，常以種種因緣說是不二法。

(L) 釋第十二法：破分別相

「破分別相」者，菩薩住是不二法中，破所緣男女、長短、大小等分別諸法。

(M) 釋第十三法：轉憶想

「轉憶想」者，破內心意想分別諸法等。

⁶⁵ 國+（土）【石】。（大正 25，417d，n.20）

⁶⁶ 今=令【宋】【元】【明】【宮】。（大正 25，417d，n.21）

⁶⁷ 《正觀》，（6），p.137：參見《大智度論》卷 5〈1 序品〉：「善法、不善法、有漏、無漏、有為、無為等法——如是諸法入不二入法門，入實法相門。如是入竟，是中深入諸法實相時，心忍直入、無諍無礙，是名法等忍。」（大正 25，97b22-29）

⁶⁸ 《正觀》，（6），p.137：參見《大智度論》卷 15（大正 25，170b16-172a4），《大智度論》卷 18（大正 25，190b10-191a1），《大智度論》卷 43（大正 25，370a21-c23）。

⁶⁹ 法忍=忍法【宋】【元】【明】【宮】【聖】。（大正 25，417d，n.23）

⁷⁰ 〔名〕—【宋】【元】【明】【宮】。（大正 25，417d，n.24）

⁷¹ 說諸=諸說【宋】【宮】。（大正 25，417d，n.25）

⁷² 不二法：根塵不生識。（印順法師，《大智度論筆記》〔E007〕p.299）

〔R〕釋第十八法：心寂滅

「心寂滅」者，菩薩為涅槃故，先於⁸¹五（418a）欲中折伏五情，意情難折伏⁸²故；今住七地，意情寂滅。⁸³

〔S〕釋第十九法：無礙智

「無礙智」者，菩薩得般若波羅蜜，於一切實、不實法中無礙；得是道慧，將一切眾生令入實法，得無礙解脫、得佛眼，於一切法中無礙。

※ 釋疑：七地中何以說「得佛眼」

問曰：是七地中，何以說「得佛眼」？

答曰：是中應學佛眼，於諸法無礙，似如佛眼。

〔T〕釋第二十法：不染愛

「不染愛」者，是菩薩雖於七地得智慧力，猶有先世因緣，有此肉身，入禪定不著，出禪定時有著氣——隨此肉眼所見，見好人親愛，或愛是七地智慧實法。⁸⁴是故佛說：「於六塵中行捨心，不取好惡相。」（七地竟）

〔8〕第八地：應具足二類五法

A、初五法應具足

〔A〕釋第一法：順入眾生心

「順入眾生心」者，菩薩住是八地中，順觀一切眾生心之所趣，動發思惟，深念順觀，以⁸⁵智慧分別知⁸⁶：是眾生永無得度因緣；是眾生過無量阿僧祇劫然後可度，是眾生或一劫、二劫乃至⁸⁷十劫可度，是眾生或一世、二世乃至今世可度，是眾生或即時可度者，是熟、是未熟；是人可以聲聞乘度，是人可以辟支佛乘度。譬如良醫診病，知差⁸⁸久近、可治不可治者。

〔B〕釋第二法：遊戲諸神通

「遊戲諸神通」者，先得諸神通，今得自在遊戲，能至無量無邊世界。菩薩住七地中時，欲取涅槃；爾時，有種種因緣及十方諸佛擁護，還⁸⁹生心欲度眾生。⁹⁰好莊嚴神通，隨意自在，乃至無量無邊世界中無所罣礙，見諸佛國，亦不取佛國相。

〔C〕釋第三法：觀諸佛國

「觀諸佛國」者，

⁸¹ 先於=於先【宋】【元】【明】【宮】。（大正 25，417d，n.29）

⁸² 〔伏〕—【宋】【元】【明】【宮】【聖】。（大正 25，418d，n.1）

⁸³ 〔六地折伏五情

七地—七地折伏意情（印順法師，《大智度論筆記》〔B014〕p.136）

⁸⁴ 七住菩薩：肉身。入定不著習氣，出定有習氣。（印順法師，《大智度論筆記》〔E006〕p.297）

⁸⁵ 以=已【宋】【宮】。（大正 25，418d，n.2）

⁸⁶ 知=如【宋】【元】【明】【宮】。（大正 25，418d，n.3）

⁸⁷ 〔二劫乃至〕—【宋】【宮】【聖】。（大正 25，418d，n.4）

⁸⁸ 差=瘥【宋】【元】【明】【宮】。（大正 25，418d，n.5）

⁸⁹ 還=眾【宋】【宮】。（大正 25，418d，n.6）

⁹⁰ 七住菩薩：欲自滅心，十方佛勸。（印順法師，《大智度論筆記》〔E006〕p.297）

a、自以神通力飛往十方佛國取淨佛國相

有菩薩以神通力飛到十方，觀諸清淨世界，取相欲自莊嚴其國。

b、佛帶往十方佛國取淨佛國相

有菩薩佛將至十方，示清淨世界，取淨國相，自作願行；如世自在王佛將法積比丘至十方，示清（418b）淨世界。⁹¹

c、自住本國以天眼見十方佛國清淨相

或有菩薩自住本國，用天眼見十方清淨世界，初取淨相，後得不著心故還捨。

(D) 釋第四法：如所見佛國，自莊嚴其國

「如所見佛國，自莊嚴其國」者，如先說。⁹²

是八地名轉輪地。如轉輪王⁹³寶輪至處，無礙無障，無諸怨敵；菩薩住是地中，能雨法寶，滿眾生願，無能障礙，亦能取所見淨國相而自莊嚴其國。

(E) 釋第五法：如實觀佛身

「如實觀佛身」者，觀諸佛身如幻如化，非五眾、十二入、十八界所攝，若長若短，若干種色，隨眾生先世業因緣所見。

此中佛自說：「見法身者，是為見佛。」⁹⁴

「法身」者，不可得法⁹⁵空；⁹⁶不可得法空者，諸因緣邊生法，無有自性。⁹⁷

B、次五法應具足

(A) 釋第一法：知上下諸根

「知上下諸根」者，如十力中說。⁹⁸菩薩先知一切眾生心所行，誰鈍、誰利，誰布施多，誰智慧多；因其多者而度脫之。

(B) 釋第二法：淨佛世界

「淨佛世界」者，有二種淨：一者、菩薩自淨其身；二者、淨眾生心，令行清淨道。⁹⁹以彼¹⁰⁰我因緣清淨故，隨所願得清淨世界。¹⁰¹

⁹¹ (1) 參見《佛說無量壽經》卷上（大正 12，267b19-c13）。

(2) 《大智度論》卷 10〈1 序品〉：「問曰：更有十方諸清淨世界，如阿彌陀佛安樂世界等，何以故但以普華世界為喻？答曰：阿彌陀佛世界不如華積世界。何以故？法積比丘，佛雖將至十方觀清淨世界，功德力薄，不能得見上妙清淨世界。以是故，世界不如。」（大正 25，134b4-10）

⁹² 《正觀》，(6)，p.137：參見《大智度論》卷 10（大正 25，134b）、卷 38（大正 25，342c28-343a4）、卷 39（大正 25，344b1-16）。

⁹³ (聖) + 王【宋】【元】【明】【宮】。（大正 25，418d，n.7）

⁹⁴ (1) 參見《摩訶般若波羅蜜經》卷 6〈20 發趣品〉：「云何菩薩如實觀佛身？如實觀法身故。」（大正 8，259b8）

(2) 另參見《佛說大乘稻芎經》：「今日世尊觀見稻芎，告諸比丘，作如是說：『諸比丘！若見因緣，彼即見法；若見於法，即能見佛。』」（大正 16，823b27-29）

⁹⁵ 法=出【聖】。（大正 25，418d，n.9）

⁹⁶ 法身：法空不可得。（印順法師，《大智度論筆記》〔E007〕p.299）

⁹⁷ 法空：緣生無性。（印順法師，《大智度論筆記》〔E007〕p.299）

⁹⁸ 《正觀》，(6)，p.138：參見《大智度論》卷 24（大正 25，238c27-239a26）。

⁹⁹ 「菩薩自淨其身

八地淨佛世界—淨眾生心令行道（印順法師，《大智度論筆記》〔B014〕p.136）

〔C〕釋第三法：入如幻三昧

「入如幻三昧」者，如幻人一處住，所作¹⁰²幻事，遍滿世界——所謂四種兵¹⁰³眾，宮殿城郭，飲食歌舞，殺活¹⁰⁴憂苦等；菩薩亦如是，住是三昧中，能於十方世界變化，遍滿其中——先行布施等充滿眾生，次說法教化破壞三惡道，然後安立眾生於三乘；一切所可利益之事，無不成就。是菩薩心不動，亦不取心相。

〔D〕釋第四法：常入三昧

「常入三昧」者，菩薩得如幻等三昧，所役心能有所作；今¹⁰⁵轉身得報生三昧，¹⁰⁶如人見色，不用心力。住是三昧中，度眾生安隱，勝於如幻三昧，自然成事，無所役用¹⁰⁷；如人求財，有役力¹⁰⁸得者，有自然得者。

〔E〕釋第五法：隨眾生所應善根受身

「隨眾生所應善根受身」者，菩薩（418c）得二種三昧，二種神通——行得、報得；知以何身、以何語、以何因緣、以何事、以何道、以何方便而為受身，乃至受畜生身而化度之。（八地竟）

〔9〕第九地：應具足十二法¹⁰⁹

A、釋第一法：受無邊世界所度之分

「受無邊世界所度之分」者，無量阿僧祇十方世界六道中眾生，是菩薩教化所應¹¹⁰度者而度之。

是世界有三種：有淨、不淨、有雜。是三種世界中眾生所可應度有利益者，皆攝

¹⁰⁰（此）+彼【石】。（大正 25，418d，n.10）

¹⁰¹「心淨眾生淨，心淨國土淨」，參見：

（1）《維摩詰所說經》〈1 佛國品〉（大正 14，538b26-c5）。

（2）印順法師著：《攝大乘論講記》，pp.170-171；《佛法概論》，pp.188-189；《淨土與禪》，pp.1-5；《學佛三要》，pp.17-18、pp.60-61；《般若經講記》，pp.68-69；《我之宗教觀》，pp.56-57；《初期大乘佛教之起源與開展》，p.491。

（3）惠敏法師著〈「心淨則佛土淨」之考察〉，《中華佛學學報》第十期，pp.25-44。

¹⁰²作=住【聖】。（大正 25，418d，n.11）

¹⁰³四種兵：象兵、馬兵、車兵、步兵。參見《雜阿含經》卷 40（1114 經）（大正 2，294a16）；《長阿含經》卷 4《遊行經》（大正 1，29b16-18）；《最勝問菩薩十住除垢斷結經》卷 8（大正 10，1030c5-6）等。

¹⁰⁴殺活：1.調死與生。2.指定人之死活。（《漢語大詞典》（六），p.1491）

¹⁰⁵今=念【宋】【元】【明】【宮】。（大正 25，418d，n.12）

¹⁰⁶「如幻三昧

八地得二種三昧+報生三昧（印順法師，《大智度論筆記》〔B014〕p.136）

¹⁰⁷役用：1.役使；使用。（《漢語大詞典》（三），p.926）

¹⁰⁸役力：猶效力。晉陸雲《盛德頌》序：「臣命違千載之運，身生四百之外，恨不得役力聖明之鑒，寓目風塵之會。」（《漢語大詞典》（三），p.925）

¹⁰⁹本行：九地中攝。（印順法師，《大智度論筆記》〔H014〕p.405）

案：此處「本行」指「處胎成就、家成就、所生成就、姓成就、眷屬成就、出生成就、出家成就」等事。

¹¹⁰所應=應所【宋】【宮】【聖】。（大正 25，418d，n.13）

取之。譬如然燈，為有目之人，不為盲者；菩薩亦如是，或先有因緣者，或¹¹¹始作因緣者。

復次，三千大千世界名「一世界」，一時起、一時滅；如是等十方如恒河沙等世界，是「一佛世界」¹¹²；如是一佛世界數，如恒河沙等世界，是「一佛世界海」；如是佛世界海，數如十方恒河沙世界，是「佛世界種」。如是世界種，十方無量，是名「一佛世界」。於一切世界中取如是分，是名「一佛所度之分」。¹¹³

B、釋第二法：得如所願

「得如所願」者，是菩薩福德、智慧具足故，無願不得。聽者聞無量無邊世界所度之分，疑不可得；以是故，次說所願如意。此中佛自說「六波羅蜜具足」；五度則福德具足，般若則智慧具足。¹¹⁴

C、釋第三法：知諸天、龍、夜叉、犍闍婆語而為說法

「知諸天、龍、夜叉、犍闍婆語」者，

(A) 福德、智慧具足故所願如意

我上說福德、智慧具足，所願如意——知他人種種語，即是所願事。

(B) 得宿命智清淨故

復次，菩薩得宿命智¹¹⁵清淨故，知處處生一切語。

(C) 願智故知立名者心

復次，得願智故¹¹⁶，知立名者心，強作種種名字語言。

(D) 得解眾生語言三昧故

復次，菩薩得解眾生語言三昧故，通一切語無礙。

(E) 自得四無礙智，又復學佛四無礙智故

復次，自得四無礙智，又復學佛四無礙智；以是故，知眾生語言音聲。

¹¹¹ 或=有【石】。(大正 25, 418d, n.14)

¹¹² (1) 華嚴經：一佛世界〔義似出此〕。(印順法師，《大智度論筆記》〔H017〕p.409)

(2) 參見《大方廣佛華嚴經》卷 46：「於一念中，遍至東方一佛世界、百佛世界，千佛、百千佛、無量佛世界，乃至不可說不可說諸佛世界。閻浮提微塵等世界，乃至不可說不可說佛剎微塵等世界，悉得親見彼世界中一切諸佛及其眷屬。」(大正 9, 692b16-21)

(3) 另參見印順法師，《初期大乘佛教之起源與開展》，pp.1026-1038。

¹¹³ 「三千大千世界——一世界
| 十方如恒河沙等世界——一佛世界……一佛化此一分
世界| 十方如恒河沙等一佛世界——一世界海
| 十方如恒河沙等一佛世界海——一佛世界種
| 十方無量世界種——一切世界

(印順法師，《大智度論筆記》〔B014〕p.137)

¹¹⁴ 六度：前五——福；第六——慧。(印順法師，《大智度論筆記》〔E007〕p.298)

¹¹⁵ 智+ (慧)【石】。(大正 25, 418d, n.15)

¹¹⁶ 故+ (願智故)【石】。(大正 25, 418d, n.16)

D、釋第四法：胎生成就¹¹⁷

「處胎成就」者，

(A) 乘白象入母胎

有人言：菩薩乘白象，與無量兜率諸天圍遶、恭敬、供養、侍從，(419a) 入母胎。

(B) 以三昧力入母胎

有人言：菩薩母得如幻三昧力故，令腹廣大無量，一切三千大千世界菩薩及天龍鬼神皆得入出；胎中有宮殿、臺觀，先莊嚴床座，懸繒幡蓋，散花，燒香，皆是菩薩福德業因緣所感，然後菩薩來下處之。亦以三昧力故，下¹¹⁸入母胎，於兜率天上如故。

E、釋第六法：所生成就¹¹⁹

「生成就」者，

(A) 從母右脇出，放大光明照無量世界

菩薩欲生時，諸天龍鬼神莊嚴三千大千世界；是時，有七寶蓮花座，自然而有；從母胎中，有無量菩薩先出，坐蓮華上，叉手讚歎，俟¹²⁰待¹²¹菩薩；及諸天龍、鬼神、仙聖、諸玉女等皆合手一心，欲見菩薩生。然後菩薩從母右脇出，如滿月從雲中出，放大光明，照無量世界。¹²²是時，有大名聲，遍滿十方世界，唱言：「某¹²³國菩薩末後身生。」

(B) 或胎生或化生，生剎利、婆羅門二姓中

或有菩薩化生蓮華。

於四生中，菩薩胎生¹²⁴、化生。

於四種人中，菩薩生剎利、婆羅門二姓中——生此二種姓，人所貴故。

F、釋第五法：家成就¹²⁵

「家成就」者，

(A) 生婆羅門家、剎利家

婆羅門家有智慧，剎利家有力勢；婆羅門利益後世，剎利利¹²⁶益今世。是二種於世有益，是故菩薩在此中生。

¹¹⁷ 菩薩入胎：二說。(印順法師，《大智度論筆記》[E007] p.299)

¹¹⁸ 下+ (故)【聖】。(大正 25, 419d, n.1)

¹¹⁹ 案：經中第五法是「家成就」，第六法是「所生成就」，論之次第與經所說相反。

¹²⁰ 俟(ム、)：2.等待。(《漢語大詞典》(一)，p.1433)

¹²¹ 俟待=使待【聖】。(大正 25, 419d, n.2)

¹²² 第六法「所生成就」，《摩訶般若波羅蜜經》僅提到「若剎利家生，若婆羅門家生故」(大正 25, 417a3-4)，而《大智度論》另提及「放大光明，照無量世界」，此似與第九法「云何菩薩出生成就？生時光明遍照無量無邊世界，亦不取相故」(大正 25, 417a7-8)有關。

¹²³ 某=其【聖】【石】。(大正 25, 419d, n.3)

¹²⁴ [生]—【石】。(大正 25, 419d, n.4)

¹²⁵ 案：經中第五法是「家成就」，第六法是「所生成就」，論之次第與經所說相反。

¹²⁶ [利]—【石】。(大正 25, 419d, n.5)

(B) 諸功德法家

復次，諸功德法家，所謂不退轉生，是名「家生¹²⁷」。

G、釋第七法：姓成就

「姓成就」者，

(A) 觀世間何姓為貴、能攝眾生，即於是姓中生

菩薩，兜率天上觀世間何姓為貴、能攝眾生，即於是姓中生。如七佛中，初三佛，憍陳如姓中生；次三佛，迦葉姓中生；釋迦文尼佛，憍曇姓中生。¹²⁸

(B) 初深心牢固

復次，菩薩初深心牢固，是名「諸佛姓」。

(C) 得無生法忍

有人言：得無生法忍，是諸佛姓——是時，得¹²⁹佛一切種智氣分故；如聲聞法中姓¹³⁰地人。¹³¹

H、釋第八法：眷屬成就

「眷屬成就」者，皆是智人、善人，世世集功德。

此中佛自說：「純以菩薩為眷屬。」如《不可思議經》中說：「瞿毘耶¹³²是大菩薩，¹³³

(419b)一切眷屬皆是住阿毘¹³⁴跋致地菩薩；¹³⁵以方便三昧變化力，為男、為女，共¹³⁶為眷屬。如轉輪聖王居士寶¹³⁷是夜叉、鬼神現作人身，與人共事。」

¹²⁷ 生 + (成就)【元】【明】。(大正 25, 419d, n.6)

¹²⁸ 參見《長阿含經》卷 1 (1 經)《大本經》(大正 1, 2a16-19)。

¹²⁹ 得 = 是【石】。(大正 25, 419d, n.9)

¹³⁰ 姓 = 性【元】【明】。(大正 25, 419d, n.10)

¹³¹ 「一云、初深心牢固是

佛姓——一云、得無生法忍是……如小乘性地 (印順法師,《大智度論筆記》[B015] p.137)

¹³² (1)《高麗藏》作「瞿毗耶」(第 14 冊, 883c)。

(2)《大智度論》卷 33〈1 序品〉：「欲為諸佛給使者，如釋迦文佛未出家時，車匿給使，優陀耶戲笑；瞿毘耶、耶輸陀等諸姝女，為內眷屬。出家六年苦行時，五人給侍。得道時，彌喜、羅陀、須那剎多羅、阿難、密跡力士等，是名內眷屬。」(大正 25, 303b13-17)

¹³³ 參見 Lamotte (1980, p.2441, n.1)：參見《方廣佛華嚴經》卷 75〈39 入法界品〉：「爾時善財童子詣彼釋女瞿波之所，頂禮其足合掌而住，作如是言：『聖者！我已先發阿耨多羅三藐三菩提心，而未知菩薩云何於生死中，而不為生死過患所染？了法自性，而不住聲聞、辟支佛地？具足佛法，而修菩薩行？住菩薩地，而入佛境界？超過世間，而於世受生？成就法身，而示現無邊種種色身？證無相法，而為眾生示現諸相？知法無說，而廣為眾生演說諸法？知眾生空，而恒不捨化眾生事？雖知諸佛不生不滅，而勤供養，無有退轉？雖知諸法無業無報，而修諸善行恒不止息？』」(大正 10, 406c8-17)

¹³⁴ 毘 = 鞞【宋】【元】【明】【宮】。(大正 25, 419d, n.11)

¹³⁵ 不可思議經：瞿毘耶眷屬皆住不退。(印順法師,《大智度論筆記》[H016] p.408)

¹³⁶ 共 = 具【宋】【宮】。(大正 25, 419d, n.12)

¹³⁷ 居士寶，又稱為「主藏寶、典藏寶」，為轉輪聖王七寶 (輪寶、象寶、馬寶、珠寶、玉女寶、典藏寶、典兵寶) 之一。參見《長阿含經》卷 3 (2 經)《遊行經》(大正 1, 22b18-c6)。

I、釋第九法：出生成就¹³⁸

J、釋第十法：出家成就

「出家成就」者，如釋迦文菩薩，夜於宮殿，見諸嫫¹³⁹女皆如死狀¹⁴⁰；十方諸天鬼神齎持¹⁴¹幡華供養之具，奉迎將出。是時車匿雖先受淨飯王勅，而隨菩薩意，自牽馬至；四天王¹⁴²使者接捧¹⁴³馬足，踰城而出。為破諸煩惱及魔人，示一切眾人在家之穢。如此大功德貴重之人，猶尚出家，況諸凡細！如是等因緣，名「出家成就」。

K、釋第十一法：莊嚴佛樹成就

「莊嚴佛樹成就」者，莊嚴菩提樹，如先說。¹⁴⁴佛此中自說：「是菩提樹，以黃金為根，七寶為莖、節、枝、葉¹⁴⁵，莖、節、枝、葉光明遍照十方無數阿僧祇諸佛世界。」

或有佛以菩薩七寶莊嚴佛樹，或有不如是者。所以者何？諸佛神力不可思議，為眾生故現種種莊嚴。

L、釋第十二法：一切諸善功德成滿具足

「一切諸善功德成滿具足」者，菩薩住七地中，破諸煩惱，自利具足；住八地、九地，利益他人——所謂教化眾生，淨佛世界。自利、利他深大故，一切功德具足。¹⁴⁶

如阿羅漢、辟支佛，自利雖重，利他輕故，不名具足；諸天及小菩薩，雖能利益他¹⁴⁷，而自未除煩惱故，亦不具足。

是名「功德具足」。(九地竟)

(10) 第十地¹⁴⁸

A、約菩薩十地，當知如佛（印順法師，《大智度論筆記》〔B015〕p.138）

「當知如佛」者，菩薩坐如是樹下，入第十地，名為「法雲地」。譬如大雲澍雨，連下無間；心自然生無量無邊清淨諸佛法，念念無量。

¹³⁸ 第九法「出生成就」，《經》說「云何菩薩出生成就？生時光明遍照無量無邊世界，亦不取相故。」（大正 25，417a7-8）此處《論》未解釋，然前釋第六法「生成就」時卻提到「菩薩從母右脇出，如滿月從雲中出，放大光明，照無量世界」（大正 25，419a11-13）。

¹³⁹ 嫫＝綵【聖】。（大正 25，419d，n.13）

¹⁴⁰ 狀＝然【聖】。（大正 25，419d，n.14）

¹⁴¹ 齎（ㄐ一）持：攜帶，攜持。（《漢語大詞典》（十二），p.1443）

¹⁴² 〔王〕－【宋】【元】【明】【宮】【聖】。（大正 25，419d，n.15）

¹⁴³ 捧＝奉【石】。（大正 25，419d，n.16）

¹⁴⁴ 《正觀》，（6），p.138：參見《智度論》卷 50（大正 25，417a11-13）。

¹⁴⁵ 〔葉〕－【聖】。（大正 25，419d，n.17）

¹⁴⁶ 〔七地〕——破諸煩惱，自利具足

七八九地┆八九地——化生嚴土，利他具足（印順法師，《大智度論筆記》〔B015〕p.137）

¹⁴⁷ 〔他〕－【宋】【元】【明】【宮】【聖】【石】。（大正 25，419d，n.18）

¹⁴⁸ 〔約三乘共地，即是佛地

十地二義┆約菩薩十地，當知如佛（印順法師，《大智度論筆記》〔B015〕p.138）

爾時，菩薩作是念：「欲界魔王心未降伏。」放眉間光，令百億魔宮闇蔽不現。魔即瞋惱，集其兵眾來逼菩薩。

菩薩降魔已，十方諸佛慶其功勳，皆（419c）放眉間光，從菩薩頂入。是時，十地所得功德，變為佛法，斷一切煩惱習，得無礙解脫，具十力、四無所畏、四無礙智、十八不共法、大慈大悲等無量無邊諸佛法。

是時，地為六種震動，天雨華香，諸菩薩、天人皆合手讚歎。

是時，放大光明，遍照十方無量世界；十方諸佛、菩薩¹⁴⁹、天人，大聲唱言：「某方某國某甲菩薩，坐於道場，成具佛事，是其光明。」

是名「十地當知如佛」。

B、約三乘共地，即是佛地（印順法師，《大智度論筆記》〔B015〕p.138）

復次，佛此中更說第十地相，所謂菩薩行六波羅蜜，以方便力故，過乾慧地乃至菩薩地，住於佛地——佛地，即是第十地。

（三）總結

菩薩能如是行十地，是名「發趣大乘」。

¹⁴⁹（諸）+菩薩【宋】【元】【明】【宮】。（大正 25，419d，n.19）

〈釋出到品第二十一〉
（大正 25，419c13-422a16）

【經】

三、答第三問：是乘發何處，是乘至何處¹⁵⁰

（一）正明：大乘從三界中出，至薩婆若中住

佛告須菩提：「汝所問『是乘何處出，至何處住』¹⁵¹者，佛言：是乘從三界中出，至薩婆若中住，以不二法故。何以故？摩訶衍、薩婆若，是二法共，不合、不散，無色、無形、無對，一相所謂無相。¹⁵²

（二）舉例：若欲使諸法出，即欲使無相法出

1、舉實際等無為法為類

若人欲使實際出，是人為欲使無相法出；若人欲使如、法性、不可思議性出，是人為欲使無相法出。¹⁵³

2、舉蘊、入、受等空相為類

若人欲使色空出，是人¹⁵⁴為欲使無¹⁵⁵相法出；若人欲使受、想、行、識空出，是人為欲使無相法出。何以故？須菩提！色空相不出三界，亦不住薩婆若；受、想、行、識空相不出三界，亦不住薩婆若。所以者何？色、色相空，受……想……行……，識、識相空故。

若人欲使眼空出，是人為欲使無相法出；若人欲使耳、鼻、舌、身、意空出，是人為欲使無相法出；若人欲使乃至意觸因緣生受空出，是人為欲使無相法出。何以故？須菩提！眼空不出三界，亦不住薩婆若；乃至（420a）意觸因緣生受空不出三界，亦不住薩婆若。所以者何？眼、眼相空，乃至意觸因緣生受、意觸因緣生受相空故。

¹⁵⁰ 參見《大智度論》卷 46〈18 摩訶衍品〉：「爾時，須菩提白佛言：『世尊！⁽¹⁾何等是菩薩摩訶薩摩訶衍？⁽²⁾云何當知菩薩摩訶薩發趣大乘？⁽³⁾是乘發何處？是乘至何處？⁽⁴⁾當住何處？⁽⁵⁾誰當乘是乘出者？』」（大正 25，393b2-5）

關於第三問「是乘發何處，是乘至何處」，參見《大智度論》卷 50〈21 出到品〉（大正 25，419c13-421a18）。

¹⁵¹ 《摩訶般若波羅蜜經》卷 5〈18 問乘品〉：「是乘發何處？是乘至何處？」（大正 8，250a4）
《大智度論》卷 46〈18 摩訶衍品〉：「是乘發何處？是乘至何處？」（大正 25，393b4）

¹⁵² 參見《大般若波羅蜜多經》卷 416〈19 出住品〉：「復次，善現！汝問『如是大乘從何處出至何處住』者，善現！如是大乘從三界中出，至一切智智中住，然以無二為方便故無出無住。所以者何？善現！若大乘、若一切智智，如是二法非相應非不相應，無色、無見、無對，一相，所謂無相。」（大正 7，88c26-89a2）

¹⁵³ 參見《大般若波羅蜜多經》卷 416〈19 出住品〉：「善現！諸有欲令無相之法有出住者，則為欲令真如空、實際、不思議界、安隱界、寂靜界、斷界、離界、滅界空亦有出住，然真如空乃至滅界空，不能從三界中出，亦不能至一切智智中住。何以故？真如空真如空自性空，乃至滅界空滅界空自性空故。」（大正 7，89a7-12）

¹⁵⁴ [人] — 【聖】。（大正 25，419d，n.24）

¹⁵⁵ 無+（上）【聖】。（大正 25，419d，n.25）

3、舉夢等六事空為類

若人欲使夢出，是人為欲使無相法出；若人欲使幻、焰、響、影、化出，是人為欲使無相法出。何以故？須菩提！夢相不出三界，亦不住薩婆若；幻、焰、響、影、化相亦不出三界，亦不住薩婆若。¹⁵⁶

4、舉大小乘因行空為類

須菩提！若人欲使檀波羅蜜出，是人為欲使無相法出；若人欲使尸羅波羅蜜、羼提波¹⁵⁷羅蜜、毘梨耶波羅蜜、禪波羅蜜、般若波羅蜜出，是人為欲使無相法出。何以故？檀波羅蜜相不出三界，亦不住薩婆若；尸羅波羅蜜乃至般若波羅蜜¹⁵⁸不出三界，亦不住薩婆若。所以者何？檀波羅蜜、檀波羅蜜相空，尸羅波羅蜜……羼提波羅蜜……毘梨耶波羅蜜……禪波羅蜜……，般若波羅蜜、般若波羅蜜相空故。

若人欲使內空出乃至無法有法空出，是人為欲使無相法出。何以故？須菩提！內空相乃至無法有法空相，不出三界，亦不住薩婆若。所以者何？內空、內空性空，乃至無法有法空、無法有法空性空故。

若人欲使四念處出，是人為欲使無相法出。何以故？四念處性不出三界，亦不住薩婆若。所以者何？四念處¹⁵⁹、四念處性空故。若人欲使四正勤、四如意足、五根、五力、七覺分、八聖道分出，是人為欲使無相法出。何以故？八聖道分性，不出三界，亦不住薩婆若。所以者何？八聖道分¹⁶⁰、八聖道分性空故。乃至十八不共法亦如是。

5、舉大小乘果空為類

須菩提！若人欲使阿羅漢出生處，是人為欲使無相法出；若人欲使辟支佛出生處，是(420b)人為欲使無相法出；若人欲使多陀阿伽度、阿羅訶、三藐三佛陀出生處，是人為欲使無相法出。何以故？須菩提！阿羅漢性、辟支佛性、佛性不出三界，亦不住薩婆若。所以者何？阿羅漢¹⁶¹、阿羅漢性空，辟支佛¹⁶²、辟支佛性空，佛¹⁶³、佛性空故。若人欲使須陀洹果、斯陀含果、阿那含果、阿羅漢果、辟支佛道¹⁶⁴、佛道、一切種智出，是人為欲使無相法出，如上說。

¹⁵⁶ (1)《放光般若經》卷 4〈22 問出行品〉：「欲出生無相法者，為欲出生夢、幻、炎、響、光、影。欲出生無相法者，為欲出生如來之所作化。何以故？夢、幻、炎、響、光、影及如來所化，亦不出三界亦不住薩云若。何以故？夢以夢事空，炎事、幻事、響光事、影事，乃至如來所化事皆自空。」(大正 8，29c20-25)

(2) 案：依本經此處前後文例及《放光般若經》等異譯本，此處應有「所以者何？夢，夢相空；乃至化，化相空故」之文句。

¹⁵⁷ 波=婆【聖】，〔波〕-【石】。(大正 25，420d，n.1)

¹⁵⁸ 波羅蜜+ (相)【元】【明】。(大正 25，420d，n.2)

¹⁵⁹ 四念處+ (性)【宋】【元】【明】【宮】。(大正 25，420d，n.4)

¹⁶⁰ 分+ (性)【宋】【元】【明】【宮】。(大正 25，420d，n.5)

¹⁶¹ 阿羅漢+ (性)【宋】【元】【明】【宮】。(大正 25，420d，n.6)

¹⁶² 佛+ (性)【宋】【元】【明】【宮】。(大正 25，420d，n.7)

¹⁶³ 佛+ (性)【宋】【元】【明】【宮】。(大正 25，420d，n.7-1)

¹⁶⁴ 〔道〕-【石】。(大正 25，420d，n.8)

6、舉但名字等空為類

若人欲使名字、假名、施設、相、但有語言出，是人為欲使無相法出。何以故？名字空，不出三界，亦不住薩婆若。所以者何？名字相，名字相空故，乃至施設亦如是。¹⁶⁵

7、舉不生不滅等法性空為類

若人欲使不生不滅法、不垢不淨、無作法出，是人為欲使無相法出。何以故？不生乃至無作法性不出三界，亦不住薩婆若。所以者何？不生性乃至無作性¹⁶⁶性空故。¹⁶⁷

(三) 結

須菩提！以是因緣故，摩訶衍從三界中出，至¹⁶⁸薩婆若中住，不動法¹⁶⁹故。¹⁷⁰

【論】

三、答第三問：是乘發何處，是乘至何處

(一) 正明：大乘從三界中出，至薩婆若中住

1、釋疑：佛何故重述須菩提所問而後答

問曰：佛已知須菩提所問，今何以更稱¹⁷¹而答？

答曰：是《摩訶般若波羅蜜》有十萬偈，三百二十萬言，¹⁷²與《四阿含》等，此非一坐說盡。又上須菩提所問，已答二事¹⁷³，異時¹⁷⁴異日故稱第三問而答。

¹⁶⁵ (1) 參見《大般若波羅蜜多經》卷 416〈19 出住品〉：「善現！諸有欲令無相之法有出住者，則為欲令名字、假想、施設、言說空亦有出住，然名字、假想、施設、言說空不能從三界中出，亦不能至一切智智中住。何以故？名字、假想、施設、言說空，名字、假想、施設、言說空自性空故。」(大正 7, 90b26-c1)

(2) 梵文《二萬五千頌般若》，木村高尉編，I-2, p.109：

nāmaṅ sa Subhūte niryānam icched yo 'lakṣaṇānāṃ dharmānāṃ niryānam icchet, evaṃ nimittasya saṃketasya vyavahārasya prajñapṭeḥ sa Subhūte niryānam icched yo 'lakṣaṇānāṃ dharmānāṃ niryānam icchet.

¹⁶⁶ 性=無作【宋】【元】【明】【宮】【聖】【石】。(大正 25, 420d, n.9)

¹⁶⁷ 參見《大般若波羅蜜多經》卷 416〈19 出住品〉：「善現！諸有欲令無相之法有出住者，則為欲令無生無滅、無染無淨、無相無為空亦有出住，然無生無滅、無染無淨、無相無為空不能從三界中出，亦不能至一切智智中住。何以故？無生無滅、無染無淨、無相無為空無生無滅、無染無淨、無相無為空自性空故。」(大正 7, 90c1-7)

¹⁶⁸ [至]—【宋】【元】【明】【宮】【聖】。(大正 25, 420d, n.10)

¹⁶⁹ [法]—【宋】【元】【明】【宮】。(大正 25, 420d, n.11)

¹⁷⁰ 參見《大般若波羅蜜多經》卷 416：「善現！由此因緣，如是大乘從三界中出，至一切智智中住，然以無二為方便故無出無住。所以者何？無相之法無動轉故。」(大正 7, 90c7-10)

¹⁷¹ 稱：5.述說，聲稱。(《漢語大詞典》(八)，p.111)

¹⁷² (1) 般若數量：十萬偈。(印順法師，《大智度論筆記》[E008] p.300)

(2) 般若：是摩訶般若波羅蜜有十萬偈，三百二十萬言。(印順法師，《大智度論筆記》[H003] p.391)

¹⁷³ 須菩提問了五個問題，參見《摩訶般若波羅蜜經》卷 5〈18 問乘品〉，「爾時，須菩提白佛言：『世尊！⁽¹⁾何等是菩薩摩訶薩摩訶衍？⁽²⁾云何當知菩薩摩訶薩發趣大乘？⁽³⁾是乘發何處？是乘至何處？⁽⁴⁾當住何處？⁽⁵⁾誰當乘是乘出者？』」(大正 8, 250a2-5)

《大智度論》卷 46~卷 50 已答了前二事：1、菩薩摩訶薩摩訶衍，《大智度論》卷 46~卷 48 (大正 25, 393b-409c)，2、發趣大乘，《大智度論》卷 49~卷 50 (大正 25, 409c-419c)。

¹⁷⁴ [異時]—【宋】【元】【明】【宮】【聖】。(大正 25, 420d, n.13)

復次，有人言：聲聞法中無有不可思議事，不得一日一坐中說盡。佛有無礙解脫，菩薩有不可思議三昧，能令多時作少時、少時作多時，亦能以大色入小、小色作大。又如六十小劫說《法華經》，人謂從旦¹⁷⁵至食。¹⁷⁶

問曰：色有形可見，時無形但有名，云何得以近為遠、以遠為近？

答曰：以是故說以不可思議神通力。如人夢中，夢有所見，自以為覺；(420c) 夢中復夢，如是展轉，故是一夜。

以是故，更稱其問而答。

2、釋經

(1) 釋「大乘從三界中出，至薩婆若中住」

「是乘何處出，至何處住」者，佛答：「是乘從三界中出，至薩婆若中住。」

※ 因論生論：是乘是佛法或是菩薩法

問曰：是乘為是佛法？為是菩薩法？若是佛法，云何從三界出？若是菩薩法，云何薩婆若中住？

答曰：是乘是菩薩法，乃至金剛三昧；是諸功德清淨，變為佛法。

是乘有大力，能有所去，直以至佛，更無勝處可去，故言「住」。譬如劫盡火燒三千世界，勢力甚大，更無所燒，故便自滅；摩訶衍亦如是，斷一切煩惱、集諸功德，盡其邊際，更無所斷¹⁷⁷、更無所知、更無所集故，便自歸滅。

(2) 釋「以不二法故」

「不二法」者，斷諸菩薩著故說。¹⁷⁸

(3) 釋「不合、不散，無色、無形、無對，一相所謂無相」

此中佛自說：「大乘、薩婆若，是二法不一故不合，不異故不散；六情所知盡虛妄故，無色、無形、無對、一相。」

※ 因論生論：先言「不一故不合」，今何以言「一相」

問曰：先言「不一故不合」¹⁷⁹，今何以言「一相」？¹⁸⁰

¹⁷⁵ (1) 《大正藏》原作「日」，今依《高麗藏》作「旦」(第 14 冊，885b21)。

(2) 旦：1. 天亮。2. 清晨，早晨。(《漢語大詞典》(五)，p.556)

¹⁷⁶ (1) 參見《妙法蓮華經》卷 1〈1 序品〉：「是時日月燈明佛從三昧起，因妙光菩薩，說大乘經，名《妙法蓮華》，教菩薩法，佛所護念，六十小劫不起于座。時會聽者亦坐一處，六十小劫身心不動，聽佛所說，謂如食頃。是時眾中無有一人若身若心而生懈倦。日月燈明佛於六十小劫說是經已，即於梵、魔、沙門、婆羅門及天、人、阿修羅眾中而宣此言：『如來於今日中夜當入無餘涅槃。』」(大正 9，4a23-b2)

(2) 法華經：六十小劫說經。(印順法師，《大智度論筆記》[H015] p.406)

(3) 時間長短無礙。(印順法師，《大智度論筆記》[E008] p.300)

¹⁷⁷ [斷] — 【聖】。(大正 25，420d，n.14)

¹⁷⁸ 不二法：斷菩薩著故說。(印順法師，《大智度論筆記》[E007] p.299)

¹⁷⁹ 《大智度論》卷 50〈21 出到品〉：「此中佛自說：大乘、薩婆若，是二法——不一故不合，不異故不散；六情所知盡虛妄故，無色、無形、無對、一相。」(大正 25，420c13-15)

¹⁸⁰ 參見《大智度論》卷 50〈21 出到品〉：「摩訶衍、薩婆若是二法共，不合、不散、無色、無

答曰：此中言「一相，所謂無相」，無相則無有出至佛道；為引導凡夫人故，說言「一相」。¹⁸¹

（二）釋所舉例

1、釋實際等無為法為類

（1）釋「若人欲使實際出，是人為欲使無相法出」

「實際」者，是諸法末後實相，無出無入；若有狂人欲使實際出至佛道者，此人則欲使無相法出。

（2）例同如、法性、法相

如、法性、¹⁸²法¹⁸³相¹⁸⁴，如先說。

（3）釋「不可思議性」

「不可思議性」者，

A、即是如、法性、實際，心心數法滅故

有人言：即是如、法性、實際，無量無邊，心心數法滅，故言「不可思議」。

B、過實際、涅槃，更求諸法實，若有若無

復有人言：過實際、涅槃，更求諸法實，若有若無，是名「不可思議」。

C、一切諸佛法無有能思惟籌量者

復次，一切諸佛法，無有能思惟籌量者，故名「不可思議」。

D、一切諸法，分別思惟，皆同涅槃相

復有人言：一切諸法，分別思惟，皆同涅槃相，是「不可思議」。

2、舉蘊、入、受等空相為類

若人欲使空中出，此人則欲使無相法中出。

此中佛自說：「五眾¹⁸⁵空相，不能出三界，不能至薩婆若，五眾中五眾相空故，十（421a）二人乃至意觸因緣生受空亦如是。」

3、舉夢等六事空為類

夢等空譬喻，亦如是——自相空故，無出無至。

4、舉大小乘因行空為類，5、舉大小乘果空為類

若人欲使六波羅蜜出，此人則為欲使無相法出。何以故？六波羅蜜因緣和合故無自性，自性無故空。

形、無對，一相所謂無相。」（大正 25，419c16-18）

¹⁸¹ 一相無相：導凡夫說。（印順法師，《大智度論筆記》〔E008〕p.300）

¹⁸² 《正觀》，（6），p.138：如、法性，參見《大智度論》卷 32（大正 25，297b24-c12）。

¹⁸³ 〔法〕—【宋】【宮】。（大正 25，420d，n.15）

¹⁸⁴ 《正觀》，（6），p.138：法相，參見《大智度論》卷 6（大正 25，102c26-29）、卷 15（169c3-29；171a7-18）、卷 18（194b1-195a13）、卷 25（246a23-b11）、卷 31（293a25-294c10）、卷 32（298c）、卷 53（436b15-18）、卷 67（528b16-28）、卷 70（550c10-15）。

¹⁸⁵ （此）+五眾【石】。（大正 25，420d，n.16）

菩薩著六波羅蜜，墮邪道，故為說空。¹⁸⁶

十八空乃至一切種智，亦如是。

※ 因論生論：出世間六度等無所著，何以說空

問曰：六波羅蜜有道俗，俗¹⁸⁷可著故可說空；出世間六波羅蜜、三十七品乃至十八不共法，無所著故，何以說空？

答曰：諸菩薩漏未盡，以福德、智慧力故行是法，或取相愛著故。

凡夫法虛妄顛倒，此法從凡夫法邊生，云何是實？

以是故，佛說是亦空，以喻無相法。

是大乘即是無相，無相云何有出、有至？

6、舉但名字等空為類

諸法皆空，但有名字、相、假名、語言；今名字等亦空，以喻無相，第一義中不可得；世俗法中有相。¹⁸⁸

名字等假名相義，如先說。¹⁸⁹

(三) 小結

用如是法，從三界出¹⁹⁰，至薩婆若中住；非是實法，亦無所動。

【經】

四、答第四問：是乘當住何處¹⁹¹

(一) 標宗：明無住而住

須菩提！汝所問『是乘何處住』者，須菩提！是大乘無住處。何以故？一切法無住相故。是乘若住，不住法住。¹⁹²

(二) 舉喻

須菩提！譬如法性，不生不滅、不垢不淨、無起¹⁹³無作，非住非不住。

(三) 合法

須菩提！是乘亦如是，非住非不住。¹⁹⁴

¹⁸⁶ 六度：遣著故說空。(印順法師，《大智度論筆記》〔E008〕p.300)

¹⁸⁷ 〔俗〕—【宋】【元】【明】【宮】【石】。(大正 25, 421d, n.1)

¹⁸⁸ 二諦：有名相，無名相。(印順法師，《大智度論筆記》〔E002〕p.286)

¹⁸⁹ 《正觀》，(6)，p.138：參見《智度論》卷 25 (大正 25, 246a23-c24)、卷 36 (大正 25, 326b20-327a19)、卷 41 (大正 25, 358a17-c8)、卷 42 (大正 25, 364c1-365a15)。

¹⁹⁰ 〔出〕—【聖】【石】。(大正 25, 421d, n.2)

¹⁹¹ 參見《大智度論》卷 46〈18 摩訶衍品〉：「爾時，須菩提白佛言：『世尊！⁽¹⁾何等是菩薩摩訶薩摩訶衍？⁽²⁾云何當知菩薩摩訶薩發趣大乘？⁽³⁾是乘發何處？是乘至何處？⁽⁴⁾當住何處？⁽⁵⁾誰當乘是乘出者？』」(大正 25, 393b2-5)

¹⁹² 參見《大般若波羅蜜多經》卷 417〈19 出住品〉：「復次，善現！汝問『如是大乘為何所住』者，善現！如是大乘都無所住。所以者何？以一切法皆無所住。何以故？諸法住處不可得故。善現！如是大乘以無所得而為方便住無所住。」(大正 7, 90c18-21)

¹⁹³ 起=相【宋】【元】【明】【宮】【聖】。(大正 25, 421d, n.3)

¹⁹⁴ 參見《大般若波羅蜜多經》卷 417〈19 出住品〉：「善現！如法界非住非不住。所以者何？以法界自性無住無不住。何以故？法界自性法界自性空故，大乘亦爾，非住非不住。」(大正 7, 90c21-24)

（四）釋理

何以故？法性相乃至無作相¹⁹⁵，非住非不住。所以者何？法性相¹⁹⁶性空故，乃至無作¹⁹⁷性、無作¹⁹⁸性性空故。諸餘法亦如是。

（五）結成

須菩提！以是因緣故，是乘無住處¹⁹⁹，以不住法²⁰⁰、不動法故。²⁰¹

【論】

四、答第四問：是乘當住何處

（一）標宗：明無住而住

問曰：上言「是乘到薩婆若，更無勝法可去」²⁰²，今何以復說「是乘無住處」？

答曰：先說（421b）「以空、不二法故言住」，如幻、如夢，雖有坐臥行住，非實是住；菩薩亦如是，雖言「到薩婆若住」，亦無定住。²⁰³

佛此²⁰⁴中自說：「一切法從本已來無住相，云何獨大乘有²⁰⁵住？若有所住，以畢竟空法住。」

（二）舉喻

譬如：如、法性、法相、實際，非住、非不住，不生不滅、不垢不淨、不起不作。

（三）釋「非住非不住」²⁰⁶

1、不住者，自相中不住；非不住者，異相中不住（印順法師，《大智度論筆記》〔B015〕p.138）

「不住」者，自相中不住；「非不住」者，異相中不住。

2、不住者，說空破有；非不住者，說世諦有住（印順法師，《大智度論筆記》〔B015〕p.138）

「不住」者，說空破有；「非不住」者，說世諦方便有住。

3、不住者，說無常破常；非不住者，破滅相（印順法師，《大智度論筆記》〔B015〕p.138）

「不住」者，說無常破常相；「非不住」者，破滅相。

¹⁹⁵ 〔乃至無作相〕－【宋】【元】【明】【宮】【聖】【石】。（大正 25，421d，n.5）

¹⁹⁶ 相＝法【元】【石】。（大正 25，421d，n.6）

¹⁹⁷ 作＝住【聖】。（大正 25，421d，n.7）

¹⁹⁸ 作＝住【聖】。（大正 25，421d，n.7）

¹⁹⁹ 住處＝所住【宋】【宮】【聖】，＝所住處【元】【明】。（大正 25，421d，n.8）

²⁰⁰ 法＝故【石】。（大正 25，421d，n.9）

²⁰¹ 參見《大般若波羅蜜多經》卷 417〈19 出住品〉：「善現！由此因緣，如是大乘雖無所住，而以無二為方便故住無所住。」（大正 7，92b6-8）

²⁰² 《大智度論》卷 50〈21 出到品〉：「直以至佛，更無勝處可去，故言住。」（大正 25，420c7-8）

²⁰³ 《正觀》，（6），p.138：參見《大智度論》卷 50（大正 25，419c14-18）的經文與（大正 25，420c3-15）論的解說。

²⁰⁴ 此＝是【石】。（大正 25，421d，n.10）

²⁰⁵ 有＝自【宋】【宮】。（大正 25，421d，n.11）

²⁰⁶ 一、不住者，自相中不住；非不住者，異相中不住。

非住非不住一、不住者，說空破有；非不住者，說世諦有住。

一、不住者，說無常破常；非不住者，破滅相。

（印順法師，《大智度論筆記》〔B015〕p.138）

4、佛自說：自相空故非住非不住

此中佛自說：「法性、法²⁰⁷性相空。何以故？自相空故。乃至無起無作諸餘法亦如是。」

【經】**五、答第五問：誰當乘是乘出者²⁰⁸****(一) 乘、出者、所用法、出時等諸法空無所有，故無人乘出**

須菩提！汝所問『誰當乘是乘出者』²⁰⁹，無有人乘是乘出者。

何以故？是乘及²¹⁰出者，所用法及出時——是一切法皆無所有；若一切法無所有，用何等法當出？²¹¹

(二) 明人法二空不可得

何以故？我不可得，乃至知²¹²者、見者不可得，畢竟淨故。

不可思議性不可得，畢竟淨故。

眾²¹³、入、界不可得，畢竟淨故。

檀波羅蜜不可得，畢竟淨故；乃至般若波羅蜜不可得，畢竟淨故。

內空不可得，畢竟淨故；乃至無法有法空不可得，畢竟淨故。

四念處不可得，乃至十八不共法不可得，畢竟淨故。

須陀洹不可得，乃至阿羅漢、辟支佛、菩薩、佛不可得，畢竟淨故。²¹⁴

須陀洹果，乃至阿羅漢果、辟支佛道、佛道、一切種智不可得，畢竟淨故。

不生不滅，不垢不淨，無起無作不可得，畢竟淨故。

過去世、未來世、現在世，生、住、滅不可得，畢竟淨故。

增、減不可得，畢竟淨故。

(三) 釋不可得因緣**1、一切人法不可得故**

何法不可得故不可得？法性不可得故不可得，如、實際、不可思議性、法性、法相、

²⁰⁷ 法=相【石】。(大正 25, 421d, n.12)

²⁰⁸ 參見《大智度論》卷 46〈18 摩訶衍品〉：「爾時，須菩提白佛言：『世尊！⁽¹⁾ 何等是菩薩摩訶薩摩訶衍？⁽²⁾ 云何當知菩薩摩訶薩發趣大乘？⁽³⁾ 是乘發何處？是乘至何處？⁽⁴⁾ 當住何處？⁽⁵⁾ 誰當乘是乘出者？』」(大正 25, 393b2-5)

²⁰⁹ 《摩訶般若波羅蜜經》卷 5〈18 問乘品〉：「誰當乘是乘出者？」(大正 8, 250a4-5)
《大智度論》卷 46〈18 摩訶衍品〉：「誰當乘是乘出者？」(大正 25, 393b4-5)

²¹⁰ [及]—【宋】【宮】【聖】。(大正 25, 421d, n.13)

²¹¹ 參見《大般若波羅蜜多經》卷 417〈19 出住品〉：「復次，善現！汝問『誰復乘是大乘而出』者，善現！都無乘是大乘出者。何以故？善現！若所乘乘、若能乘者、若時、若處，如是一切皆無所有不可得故。所以者何？以一切法皆無所有都不可得，如何可言有所乘乘、有能乘者、乘時、乘處？故不可說實有乘是大乘出者。」(大正 7, 92b9-14)

²¹² 知=智【石】。(大正 25, 421d, n.14)

²¹³ 眾=陰【石】。(大正 25, 421d, n.15)

²¹⁴ 參見《大般若波羅蜜多經》卷 417〈19 出住品〉：「善現！預流者無所有不可得故，乘大乘者亦不可得。所以者何？畢竟淨故。一來、不還、阿羅漢、獨覺、菩薩、如來亦無所有不可得故，乘大乘者亦不可得。所以者何？畢竟淨故。」(大正 7, 93a10-14)

法位；檀波羅蜜不可得故（421c）不可得，乃至般若波羅蜜不可得故不可得。內空不可得故不可得，乃至無法有法空不可得故不可得。四念處不可得故不可得，乃至十八不共法不可得故不可得²¹⁵。須陀洹不可得故不可得，乃至佛不可得故不可得。須陀洹果不可得故不可得，乃至佛道不可得故不可得。不生不滅，乃至不起不作不可得故不可得。

復次，須菩提！初地不可得故不可得，乃至第十地不可得故不可得，畢竟淨故。

云何為初地乃至十地？所謂乾慧地、性地、八人地、見地、薄地、離欲²¹⁶地、已作地、辟支佛地、菩薩地、佛地。

2、十八空中十地、成就眾生、淨佛世界、五眼等皆不可得故

內空中初地不可得，乃至無法有法空中初地不可得；內空乃至無法有法空中，第二、第三、第四、第五、第六、第七、第八、第九、第十地不可得。何以故？須菩提！初地非得非不得，乃至十地非得非不得，畢竟淨故。

內空乃至無法有法空中，成就眾生不可得，畢竟淨故。內空乃至無法有法空中，淨佛世界不可得，畢竟淨故。內空乃至無法有法空中，五眼不可得，畢竟淨故。

（四）結：以不可得故，菩薩乘摩訶衍出薩婆若

如是，須菩提！菩薩摩訶薩，以一切諸法不可得故，乘是摩訶衍出薩婆若。」

【論】者²¹⁷言：

五、答第五問：誰當乘是乘出者

（一）乘、出者、所用法、出時等諸法空無所有，故無人乘出²¹⁸

1、釋「出」之意義

「出」者，行是乘到佛道邊出。

又復以成就故名「出」——以是乘成就薩婆若，是名為「出」。

2、釋「乘」、「所用法」、「出者」三法空

此中佛自說空因緣：「乘」者，是六波羅蜜。「所用法」者，是慈悲、方便等諸法，六波羅蜜所不攝。「出者」，是菩薩。是三法皆空。

（二）依法空、眾生空明諸法畢竟空〔畢竟淨〕

此中佛復說因緣：「我不可得，乃至知者²¹⁹、見者不可得，畢竟空故。」

五眾、十二入、十八界，檀波羅蜜乃至十八不共法，須陀洹乃至薩婆若，²²⁰不生不（422a）滅、不垢不淨，乃至三世、三相、增減等——是名法空。

²¹⁵ 得+（須陀洹不可得）【石】。（大正 25，421d，n.16）

²¹⁶ 〔欲〕—【宋】【宮】【聖】。（大正 25，421d，n.17）

²¹⁷ （論）+者【元】【明】，者=釋【石】。（大正 25，421d，n.18）

²¹⁸ 案：經舉乘、出者、所用法、出時等四法空，但論僅釋前三法。

²¹⁹ 〔者〕—【宋】【元】【明】【宮】【聖】。（大正 25，421d，n.19）

²²⁰ 「須陀洹乃至薩婆若」，指《摩訶般若波羅蜜經》卷 6〈21 出到品〉所說：「須陀洹不可得，乃至阿羅漢、辟支佛、菩薩、佛不可得，畢竟淨故。須陀洹果乃至阿羅漢果、辟支佛道、佛道、一切種智不可得，畢竟淨故。」（大正 8，260c14-17）

前面之「須陀洹」指能證得初果之人，後面的「須陀洹果」指所證得的果位。

我乃至知者、見者，須陀洹乃至佛，是名眾生空。

（三）釋不可得因緣

1、明法無故不可得，非智慧少故不能得

問曰：有二種不可得：一者、有法，智慧少故不能得；二者、有大智慧，推求不能得。²²¹此云何不可得？

答曰：是法無故不可得。

※ 因論生論：諸法不可得之益——不落二邊，畢竟清淨

問曰：一切法本末不可得，於人有何利益²²²？

答曰：此中佛自說：「畢竟清淨故。」「畢竟」者，若行者依「無」而破「有」，於「有」得清淨，於「無」未清淨，以依止故。

2、明不可得因緣

（1）一切人法不可得故

此中佛自說不可得因緣：一切眾生不可得，一切法不可得；譬如如、法性、實際等，乃至不作、不起不可得。

（2）十八空中十地、成就眾生、淨佛世界、五眼等皆不可得故

復次，十八空故，法性不可得，乃至不起、不作。

十八空中，無初地乃至十地，無成就眾生，無淨佛世界，無五眼；以十八空故空，畢竟清淨故不可得。

（四）結

菩薩用不可得法，乘是乘出薩婆若。

²²¹ 有法，智慧少故不能得
二種不可得——有大智慧，推求不能得（印順法師，《大智度論筆記》〔B015〕p.138）

²²² 〔益〕—【宋】【宮】。（大正 25，422d，n.1）